

Adroddiad Blynyddol Cyngor Cymuned Llanddeiniolen 2024/2025

Trefniant Y cyngor

Clerc:

Eleri Bean, Bwthyn Isaf, Deiniolen LL55 3LS

Ffôn: 01286 871757

E-bost: cleric@cyngorllanddeiniolen.cymru

Gwefan: <https://cyngorllanddeiniolen.cymru>

Cynghorwyr:

Clwt y Bont -	Dawn Parry
Dinorwig -	Sedd Wag (Ynyr Parri (Is Gadeirydd) Ymddiswyddo)
Deiniolen -	Parch Canon Idris Thomas, Emma Chappell, Sedd Wag (Elfed Wyn Williams Ymddiswyddo) Sedd Wag
Penisa'r-waun -	Phyllis Ellis, Elwyn Jones
Brynrefail -	Ellen George
Bethel -	Gareth Wyn Griffiths Jane Pierce (Cadeirydd) Sasha Williams Gareth Hughes
Rhiwlas -	Rhian Evans-Hill Lowri James

Is Bwyllgorau:

Llwybrau: Jane Pierce, Phyllis Ellis, Dawn Parry a Lowri James, Idris Thomas, Elen George.

Dros y Clerc: Gareth Wyn Griffiths, Phyllis Ellis, Rhian Evans-Hill

Prosiect Ysgolion (Rhodd o ystâd y diweddar Ken Harris): Phyllis Ellis, Gareth Hughes, Ellen George, Elwyn Jones

Is Bwyllgor Cyllid: Emma Chappell, Gareth Hughes, Gareth W Griffiths, Phyllis Ellis a Lowri James

Byddwn yn ffurfio Is bwyllgorau eraill os bydd yr angen

Cynrychiolaeth:**Llywodraethwyr Ysgolion:** Phyllis Ellis, Dawn Parry, Gareth Hughes**Parc Cenedlaethol:** Rhian Evans Hill**Grŵp Ffocws Llechi:** Parchg Idris Thomas**Un llais Arfon a Dwyfor:** Unrhyw aelod yn rhydd i fynychu**Neuadd Rhiwlas:** Lowri Ann James

Cynhelir Cyfarfodydd Cyngor yn Ysgol Penisa'r-waun ar nos Fawrth cyntaf o bob mis, ar wahân i fis Awst, lle nad oes cyfarfod, ac eithriad mis Ionawr, dibynnu ar ddyddiad. Mae croeso i aelodau o'r cyhoedd fynychu'r cyfarfodydd yma, Am fwy o fanylion, cysylltwch â'r clerc.

Seddi Gwag

Ar hyn o bryd mae yna 3 sedd wag sydd angen ei llenwi yn Neiniolen a Dinorwig. Os oes rhywun a diddordeb, neu angen mwy o wybodaeth, peidiwch oedi i gysylltu â'r clerc. Mae yn bwysig ein bod yn llenwi'r seddi yma yn eich ardal, os am weld diffygion o fewn yr ardal yn cael eu gwella. Cysylltwch gyda'r clerc os am fwy o wybodaeth neu gyda diddordeb i ymuno gyda'r Cyngor Cymuned.

Gwybodaeth Ariannol

Praesept ariannol y Cyngor eleni oedd £31,000. Ar gyfartaledd mae hyn yn gost o tua £17.27 y tŷ i dai

Band D. Eleni, mae'r Cyngor am y bedwaredd flwyddyn yn olynol yn cadw'r praesept run fath ar £31,000.

Yn flynyddol, mae'r Cyngor yn derbyn archwiliad mewnol gan Gyngor Gwynedd ynghyd ac archwiliad allanol gan Awdit Cymru.

Gweler mantolen ariannol sydd yn dangos derbyniadau a gwariant y Cyngor dros y flwyddyn ddiwethaf.

Gweithgareddau'r Cyngor

Prif ddyletswyddau'r Cyngor Cymuned yw Llwybrau, Cysgodfa'n Bws, rhoi barn ar geisiadau cynllunio'r ardal, a thynnu i sylw Cyngor Gwynedd unrhyw ddiffygion, neu faterion sy'n rhwystr yn yr ardal. Eleni, mae'r Cyngor wedi ymrwymo i gyllido Tri Chlwb Ieuenctid yn yr ardal. 1 ym Methel, Deiniolen a Rhiwlas.

Bu i Rhiwlas a Bethel gychwyn ar ddechrau'r tymor, ond nid yw Deiniolen wedi cychwyn tan ar ôl y Nadolig, ond y tri yn llewyrchus dros ben erbyn hyn.

Llwybrau a Meinciau

Eleni, bu i'r Cyngor barhau i gydweithio gyda'r adran Llwybrau yng Nghyngor Gwynedd i barhau gyda gwella ein rhwydwaith o lwybrau cyhoeddus. Mae'r Cyngor wedi cyllido £15500 eleni ar wella'r llwybrau, ynghyd a thorri a chynnal a chadw'r rhai sydd ar ein rhestr i ofalu amdanynt - rhestr a dynnwyd allan rhai blynyddoedd yn ôl bellach, oedd yn ein tyb ni yn rhai oedd yn cael eu defnyddio amlaf. Rydym wedi cael cais i agor a chlirio ambell un arall yn ystod y blynyddoedd diwethaf, ac yn gwneud hynny os rydym yn gweld fod digon o ofyn, neu fod y llwybr yn cysylltu yn berthnasol gydag un arall sydd yn cael ei drin yn rheolaidd.

Rydym fel yr arfer yn torri'r llwybrau ddwywaith neu dair bellach yn ystod misoedd yr haf, ynghyd a pheintio a chynnal a chadw'r meinciau o gwmpas yr ardal. Bu i ni gyfnewid 2 hen fainc hefyd eleni, gan fod dwy wedi pydru a malu.

Un peth sydd yn peri pryder i ni gyd ydi BAW CI. Mae'n amhosib i ni gadw ein pentrefi yn lân a thaclus tra mae perchnogion cŵn yn mynnu peidio codi baw eu ci. Mae yna finiau baw ci ym mhob ardal, ac erfyniwn arnoch i'w defnyddio os gwelwch yn dda. Mae baw ci ar ambell i lwybr mor ofnadwy nad ydym yn gallu torri'r llwybrau hynny, felly gofawch eich bod yn codi baw eich ci ymhob man.

Cysodfannau Bws

Rydym wedi cael difrod ofnadwy i rai o gysgodfa bws. Rydym wedi gwario yn agos I £4000 ar gynnal cysgodfa bws yn Dinorwig a Bethel. Rydym dal angen gosod cysgodfa yng Nghae Glas Rhiwlas, ac yn gobeithio cael gwneud hynny yn ystod yr haf eleni.

Clybiau Ieuenctid

Mae'r Cyngor wedi rhoi addewid yn sgil toriadau'r Cyngor Sir I ariannu clybiau Ieuenctid yn yr ardal. Mae'r Cyngor wedi gweld tri chlwb ieuenctid yn brysur eleni, Bethel, Rhiwlas a Deiniolen. Er I glwb Rhiwlas a Deiniolen fod yn hwyrach yn agor, mae'r tri chlwb wedi sefydlu. Gwariwyd £4300 ar eu cynnal eleni, a diolch i'r criw ifanc sydd yn gyfrifol am gynnal y sesiynau yma er lles ein hieuenctid.

Cynllunio

Yn wythnosol, rydym yn derbyn ceisiadau cynllunio o Gyngor Gwynedd, lle gofynnir i'r Cyngor Cymuned rhoi barn ar y ceisiadau hyn. Er bod cynghorwyr yn ymweld â'r safleoedd yma, i ryw raddau rydym yn ddibynnol arnoch chi fel trigolion i ddod a phryderon neu wrthwynebiadau a syniadau i ni. Cofiwch eich ardal chi ydy hi, os allwn helpu, cysylltwch gyda chynghorwyr eich pentref, neu anfonwch e-bost i sylw'r clerc.

Rhodd Ystâd Mr Ken Harris

Bu i'r Cyngor benderfynu cydweithio gyda'r 4 Ysgol gynradd y plwyf er mwyn dod a'r ysgolion a'r gymuned ynghyd i weld prosiect/ai gan blant yr Ysgolion er budd ein cymuned. Felly penderfynwyd cyfrannu £10,000 i bob Ysgol Rhiwlas, Gwaun Gynfi, Penisa'r-waun a Bethel. Mae pwyllgor bach wedi sefydlu, sydd yn cyfarfod a'r ysgolion. Rydym wedi cyrraedd man lle bydd pob ysgol yn mynd o'i amgylch i weithio ar brosiect unigol rhwng nawr a diwedd yr Haf eleni, cyn symud ymlaen i weithio ar un prosiect mawr ar y cyd yn Nhymor yr Hydref a'r Gaeaf, gan obeithio dod a'r cynllun i ben fis Ebrill 2026.

Rhoddion

Yn flynyddol, mae'r Cyngor Cymuned yn rhannu rhoddion yn dilyn derbyn ceisiadau gan fudiadau o fewn y plwyf. Mae canllawiau a ffurflen gais i'w cael ar ein gwefan neu trwy gysylltu â'r clerc. Y cais ynghyd a mantolen ariannol i gyrraedd y clerc erbyn 20fed o Fedi yn flynyddol. Eleni, cyfrannwyd cyfanswm o £3200 rhoddion i:

Pwyllgor Neuadd Penisa'r-waun,
Clwb Bowlio Bethel,
Clwb Snwcer Deiniolen,
Clwb Crefft Rhiwlas,
Eisteddfod Undebol Penisa'r-waun,
Clwb Rhiwen,
Pwyllgor Pentra Deiniolen,
Ysgol Penisa'r-waun (Urdd)
Eco'r Wyddfa
Cyfeillion Rhiwlas

Amcanion Y Cyngor am 2025/2026

Eleni, bydd Y Cyngor yn canolbwyntio ar gwblhau gwelliannau i'r Llwybrau cyhoeddus

Rydym yn bwriadu gosod Cysgodfa'n Bws o'r Newydd yn Rhiwlas.

Dal i gynnal Clybiau Ieuenctid.

Mae'r Cyngor wedi rhoi addewid o £3000 i gychwyn Partneriaeth Dyffryn Peris, gyda'r gobaith o weld y cynllun yma yn ffrwythloni er budd ein cymunedau.

Cyd weithio gyda'r Ysgolion Cynradd ar y prosiectau.

Mae'r Cyngor Cymuned yn rhoi Cofnodion pob cyfarfod ar ein gwefan a hefyd yn rhoi crynodeb o'r cofnodion yn Eco'r Wyddfa a Llais Ogwen yn fisol.

Estynnir croeso i unrhyw un sydd am fwy o fanylion i gysylltu â'r clerc, neu anfon neges os gallwn fod o gymorth i chi yn yr ardal.